



Fashion Show di Atelier 89 dilanti San Nicolas Store tabata grandi y unico cu artistanan local



ORANJESTAD(AAN): Diez artista hoben di diferente edad a presenta nan talento den un show di modelahe presenta pa Ateliers 89. Nan a yama e evento "Opposite Attraction". Dilanti di edificio den renobacion di Nicolaas Store na San Nicolas a hasi un anochi di show y modelahe pa presenta e arte y talento di e hoben jong cu un futuro bryante

nan dilanti. Nana a haya un workshop pa algun dia y na final a presente e modeshow aki. Mas cu 50 diseño artistico di cada hoben a wordo presenta riba pasarela cu un audiencia grandi di publico cu a yega cerca. Hobennan cu a participa tabata Darwin Winklaar, Charlene Croes, Ligia Violenus, Mena Dirks, Caitlin Chong, Velvet Zoe

Ramos, Candice Richardson, Maureen Tjon Sie Kie, Jamila Phillips y Mirte Engelhard for di Hulanda y cu a duna e workshop tambe e dianan prome. Tur cu un diseño diferente y unico traha pa nan mes. Esaki tabata e prome Fashion Show cu Ateliers 89 a hasi na San Nicolas. Trahandu hunto cu gobierno, Ateliers 89 a presenta un proyecto di show di



modelahe artistico. Esaki den cuadro cu Gobierno di Aruba kier rebiba San Nicolas bek y tambe ta den proceso di rescata mayoria di edificio di antes. Esaki tabata net e oportunidad cu Ateliers 89 a haya pa presenta nan fashion show. Apesar cu e monumento ta den restauracion na Nicolas

Store, asina mes Ateliers 89 kier a presenta nan fashion show conhuntamente cu e arte y diseño di cada hoben. E tabata e sitio ideal. E anochi aki tabata tin presencia di Minister Otmar Oduber y tambe parlamentario Lorna Varlack cu a presencia tur e diseñonan cu e hobennan a traha.